

- en lõnesc ai 28 de iener:

ales **20:00** devoziun en onú de Sant Ujöp da Oies (♫ *Cor de dlijja da Lungiarü*)

- en dedolõnesc ai 29 de iener:

ales **16:00 s.m. solena**, con P. Stephan Dähler SVD, (♫ *Cor de dlijja da San Martin*)

ales **20:00 s.m.** con siur Pire Irsara SVD (♫ *Cor de dlijja da La Val*)



Vita de ploania y de paisc



A tũ fedei, Signur, ne ven la vita nia tuta, mo trasformada.

La ploania á tut comié da **Anna Konrater ved. Palfrader**, de Col, (+ 12.01.2019, 95 agn). Ai familiars va nostes condolianzes por la mort dla oma y lâ. Che le Signur i páii con les ligrezes dal ci dõt le ben che ara á fat por sœa familia.

- **Crejima 2019: en lõnesc ai 21 de iener, ales 20:00** é dũc i geniturs dai mituns y dles mitans co jará eniann ala crejima (1. y 2. mesana) enviés a na sontada te saf de calogna d'**Al Plan**. Al gnará fat fora i grups dai mituns y dles mitans y chirí fora geniturs co sorantól la preparaziun al sacramont.
- **Pröma Comegnun 2019: en dedolõnesc ai 22 de iener, ales 19:30** é dũc i geniturs dai mituns y dles mitans co jará eniann ala Pröma Santa Comegnun enviés a na encuntada con signor ploan, te calogna.
- **Iolan y Dio s'al páii de Osta oferta ai Trei Resc: 6.042,26 €.** Iolan ai mituns y ales mitans, a chi co i á arjigné ca y acompagné y a dũc chi co á colaoré al'aziun. En ringraziamont ales families co á tut sœ i Resc tles ciases y a dũc chi co á fat val oferta (marenes y ater)
- **Iolan y Dio s'al páii de Osta oferta d'Advent: 383,82 €**
- **Stödafüs:** i Stödafüs d'La Pli oress dí a dũc en **bel iolan dles spenores** ch'al é gnũ fat por le calender 2019.

1 enformaziuns y termins

Dis dla "Porta daverta" tal Vinzentinum: en vendres, ai 15 de forá dales 8:30 ales 12:30 y dales 14:00 ales 17:00 y en sabeda, ai 16 de forá dales 8:30 ales 12:30 vegnel motũ da jí tal Vinzentinum a Porsenú dis dla porta daverta. Scolares y scolari con sũ geniturs pó vijité, zonga s'anunzié danfora, le gymnasium y l'internet y se enformé sœn les ofertas dal Istitut. Dal altonn 2013 encá vegnel tut sœ tal internet ince mitans. Enformaziuns por ladin sora la ciassa: www.vinzentinum.it/lad

Dõt le bun a: Agnese Terza * 21.01.1931
Paul Feichter, *La Ila* * 25.01.1937
Maria Maneschg ved. Comploi * 26.01.1929
y a dũc chi co á santennom y complesc i agn cõst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA




VAL BADIA
www.unitepastorala.org

Ann C

20.01.2019 - 2. domegna ia por l'ann

n. 8

Tres le vangelo nes á Idio cherdé ala gloria de Gejú Crist, nosc Signur. Alleluia!

 **Is 62, 1–5 | 1 Cor 12, 4–11 | Jan 2, 1–11**

Dal Vangelo do San Jan:

Te chel tomp ¹êl na noza a Cana tla Galilea, y la oma de Gejú ea danló. ²Ince Gejú y sũ discepui ea enviés a noza. ³Canche le vin ea jũ fora, ti á la oma de Gejú dit a d'el: Ai n'á plũ degün vin. ⁴Gejú ti á respognũ: Ci oste pa da me, era? Mia ora n'ê nia ciamó gnũda. ⁵Sœa oma ti á dit ai sorvidús: Ci che el ves dij, chel fajede! ⁶Al ea danló sis bochés de pera dal'ega por la purificaziun, desch'al ea ũsanza pa i lũdes; te vignõnn n'âl lerch apresciapũch 100 litri. ⁷Gejú ti á dit ai sorvidús. Emplide i bochés d'ega! Y ai i â emplí cina al ur. ⁸Al ti á dit: Sen ciariéde fora y portédenen a chel co á da fistidié por le past. Ai ti an á porté. ⁹Al á cercé l'ega che ea diventada vin, y ne sâ nia da olá che le vin gnea adalerch; mo i sorvidús, co â ciarié fora l'ega, le sâ. Sœn chera ál cherdé adalerch le nũc ¹⁰y ti á dit: Vignõnn porta naota sœ le bun vin y spo pormó, canche i ghesc n'á boiũ assá, le manco bun. Tõ endere as tigní sœ le bun vin cina sen. ¹¹Ensciõ á Gejú fat so pröm segn a Cana tla Galilea y á manifesté sœa gloria, y sũ discepui cherdea te el.

Oraziun dal de

Periun! Dio onipotent, tõ comanes sora le ci y la tera y t'as la potesté sora i cõrs dla jont: porchel gnunse plens de creta da te; sosten dũc chi co opereia por la iustizia y scinchi a nũsc tomps la pêsc.

Do cõsc te periunse por nosc Signur Gejú Crist, to Fi, co é Dio y vir y regneia con te t'l'unité dal Spirit Sant por dũc i secui dai secui. – Amen.

(Lezionar C)



"Ci che el ves dij, chel fajede!"

 **Letõres dla 3. domegna ia por l'ann:**

Nee 8, 2–4a.5–6.8–10 | 1 Cor 12, 12–31a | Lc 1, 1–4; 4, 14–21

Edema liturgica dai 20.01. ai 27.01.2019

DOM 20.	2. domegna ia por l'ann domegna dla Bibia <i>Fabian, Bostian, Elisabeta, Ursula</i>
08:30 → 10 y 18	gran messa por dōta la ploania <i>oferta por i debojūgn̄s dla ploania</i> 3. s.m. de sopoltōra por † Anna Konrater ved. Palfrader y corona dla comunité <i>s.m. a Al Plan</i>
Lōn 21. 07:30	<i>Agnes, Ines, Meinrad</i> <i>s.m. a Al Plan</i>
Ded 22. 07:30	<i>Vinzenz, Walter, Teodolinda</i> s.m. por defonti dal Flō s.m. d'aniversar por † Florian Baldissera, Roje s.m. do intenziun en rengraziamont y onú de Santa Maria
Dem 23. 18:00	<i>beat Heinrich Seuse, Eugen</i> <i>s.m. a Al Plan</i>
Jōb 24. 19:30	<i>Francesch da Sales, Vera, Arno</i> s.m. en onú de San Bostian por fam. Isidor y Frida Agreiter s.m. por † Anna Mühlmann ved. Ploner, Framacia
Ven 25. 07:10	fiesta dla Converjiun de San Paul, Susanna <i>s.m. a Al Plan</i>
Sab 26. 18:00 19:30	<i>Timoteus y Titus, Paula</i> <i>s.m. prefestia a Al Plan</i> s.m. prefestia de rengraziamont dla fam. Georg y Caroline Rigo s.m. por † maester Celestino Pedevira s.m. por † Susanna Erlacher ved. Mühlmann, Baldessé
DOM 27.	3. domegna ia por l'ann festa de Sant'Ujōp da Oies domegna dai mass-media <i>Angela Merici, Iulian, Manfred, Rosalia</i>
08:30 13:00 10 y 18	gran messa en onú de Sant'Ujōp da Oies por dōta la ploania <i>oferta por i debojūgn̄s dla ploania</i> funziun dal Bato de Elias Erlacher <i>s.m. a Al Plan</i>
<i>ampola:</i>	por fam. Lois y Patrizia Clara
<i>ministronc:</i>	▶ da doman y domegna: Moses Agreiter y Armin Frontull ▶ da sera y domegna: Thomas Ellecosta y Nadia Frontull
<i>i recordun:</i>	Florian Baldissera + 22.01.2016



Fajéde ci che al ves dijará! (Jan 2, 1–11)

I ponsi do

I sán co che ara é jüda fora: Gejú trasformeia l'ega te vin y fej ensciō so prōm miraco. Al é le prōm segn dla noela nea che Gejú porta al monn: nia plü na vita zonza saú y zonza corú, mo plena de sostanza y ligreza. Maria envieia ia le miraco y al pō ch'ara meni Gejú tai torchi. I sán che te era anse na presenza dampró a nos y a Gejú co ne lasciará mai da se daidé y da se garantí l'abondanza dl'amizizia de Dio.

I preii ensciō

Canche i sun dla rialōna y jō de moral òi fa ci che te dijés, Signur: i mo sontiará trasformé, plen de entusiasim y de veia da vire. Canche la vita pō zonza saú, òta y dagnora anfat, proarái da meter en pratica tōa parora: spo ci afará corú y gnará plena y entres nea. Canche le monn pō rio, dla rialōna y compliché, fá ch'i ascuti tōa usc y tū comandi: spo gnará bun, dla bonalōna y sciompl. Gejú, tō es chel co müda le cōr, la vita y l'umanité y tresfora pronunzieieste ches parores co se fej gní miús y atramonter. I sun dōtaorela sontés pal past dla noza de Cana y Cana é diventé le monn entier: nūsc boché d'ega speta da gní trasfomés da te te de bun vin co scinca saú y ligreza da vire.



Oraziun

Maria, pla noza de Cana aste dit ai sorvidús: "Ci che el ves dij, chel fajede!" Tō sas che nūsc ponsiers sōn cōsc monn è gonōt plens de tema y de malsūgherté. Porchel nes daste inče a nos, encō, cōsc consei: "Či che Gejú Ves dij, chel fajede!" Bona Oma, i te periun do tōa interzesciun pa Chelbeldio che al meni jō sōn nos le Spirit dal Consei, por che al s'ensegni da conesce sōa orenté y arveni dōtes nostes aziuns. Santa Maria dal Bun Consei, preia por nos!

La storia de Noé cuntada ai mituns (2)



Chelbeldio ti dá en compit a Noé

Danter les trepes porsones co viea sōla tera êl en el con chel che Chelbeldio â gran ligreza. Al ea atramonter co düc i atri. Al â ennom Noé y aō ea belo empü tai agn. Al ea iüst y da orei bun con la jont y con i tiers. Mo dandadōt: Noé cherdea te Chelbeldio y fajea sōa orenté, al periâ y se confidâ con el. Porchel n'orea Chelbeldio nia lascé morí ince Noé y gnanca sōa fomena, sü trei mituns Sem, Ham y Jafet con sōes fomenes y sü mituns.

Chelbeldio â dit a Noé: "Les porsones é ries. Ares é eniüstes y n'ascuta nia mia parora. Porchel òi les lascé morí. I lasciará gní jō na gran plōia sōla tera y dōta la jont y i tiers moriará." Y Chelbeldio â dit ennant a Noé: „Tō y tōa familia desses se salvé. Fáte na barca de len, n'arca! Fá pro dōtes les sfesses y i büsc con maestra che degūna ega ne pói ete! Canch'al ven le diluve, desses tō y tōa familia jí sōn la barca y sté enló cina ch'al lascia da plōei.“